

四庫全書

史部

欽定四庫全書

史部

輿地廣記卷一至五

詳校官編修<sub>臣</sub>曹城

檢討<sub>臣</sub>德生覆勘

總校官降調編修<sub>臣</sub>倉聖脉

校對官編修<sub>臣</sub>徐立綱

謄錄監生<sub>臣</sub>德通等

欽定四庫全書

史部十一

輿地廣記

地理類二 總志之屬

提要

臣等謹案輿地廣記三十八卷宋歐陽忞撰

晁公武讀書志謂實無其人乃著書者所假託陳振孫書錄解題則以為其書成於政和中忞歐陽修從孫以行名皆連心字為據按此書非觸時忌何必隱名疑振孫之說為是然

修廬陵人而此本有恣自序乃自稱廣陵豈  
廣廬字形相近傳寫致訛歟其書前四卷先  
叙歷代疆域提其綱要五卷以後乃列宋郡  
縣名體例特為清析其前代州邑宋不能有  
如燕雲十六州之類者亦附各道之未名之  
曰化外州亦足資考證雖其時土宇狹隘不  
足括輿地之全而端委詳明較易尋覽亦地  
理家之佳本也乾隆四十六年十二月恭校

上

總纂官臣紀昀臣陸錫熊臣孫士毅

總校官臣陸費墀

[illegible]

輿地廣記自序

古者風俗醇厚士大夫安於所習而無外慕不足之心故其藝必專允之戈和之弓僚之於圓秋之於奕皆以此終其身而名後世而人亦未有能加之者及至後世日益奢靡未始不欲以其一身擅天下之能事而終無所至嗚呼此後之君子所以有媿於古歟地理之書雖非有深遠難見之事然自歷世以來更張改作先王之制無一存者自非專門名家而從事於此者其孰能知

之予不佞自少讀書私嘗留意於此嘗自堯舜以來至於今為書凡三十八篇命之曰輿地廣記凡自昔史官之作與夫山經地誌旁見雜出莫不入於其中庶幾可以成一家之言備職方之考而非口傳耳受嘗試之說者也傳曰執璫璣以觀大運則天地之動未足怪也據會要以觀方來則六合輻湊未足多也統之有宗會之有源則繁而不能亂衆而不能惑矣地理之書紛雜殽亂卒然視之漫不可省雖深識博聞之君子亦且以為



病而又安知是非之所在其所以處之將必有道矣夫  
以今之州縣而求於漢則為郡以漢之郡縣而求於三  
代則為州三代之九州散而為漢之六十餘郡漢之六  
十餘郡分而為今之三百餘州雖其間或離或合不可  
討究而吾胸中蓋已了然矣譬如三十輻之車制之以  
轂二篇之策統之以乾坤豈不約而易操乎是以願廣  
其書於世必有能辨之者世之君子其試以是觀之政  
和闕

年三月日廣陵歐陽忞序



欽定四庫全書

輿地廣記卷一

宋 歐陽忞 撰

禹貢九州

晉 絳 慈 隰 河中 解 太原 遼 威勝

平定 汾 忻 代 嵐 石 憲 澤 潞 岢嵐

寧化 大山 保德 真定 中山 趙 深 冀

河間 祁 保 莫 雄 霸 信安 永寧 順安

保定 安肅 廣信 相磁 邢洺 懷衛

晉寧 雲應 新稟 儒毅 蔚朔 幽

涿易 檀薊 媯平 營安 北都護 鎮北

都護 單于都護

右古冀州地按冀州禹貢不言封界蓋堯都所

在以餘州見之疆域尤廣

梁州境宇雖遐遠而雜以夷獠中夏惟冀

州最山東之人性緩尚儒仗氣任俠大行恒而

鄴郡高齊國都浮巧成俗自北齊之滅衣冠士人多遷闕內惟技巧

商賈及樂戶寔移郡郭由  
是人情險詖至今奸訐訟山西土瘠其人勤儉

而河東魏晉以降文學盛興  
魏杜畿嘗為河東守開置學宮親執

經教授郡中化之自閭井之間習於成法并州  
後河東時多儒者

近狄俗尚武藝左右山河古稱重鎮  
韓信謂陳稀曰代天

下精兵處也後漢末天下擾亂高幹為并州刺史  
韋昭說幹曰并州左有恒山之險右有大河

之固北有強胡可以恃也寄仕之者必文武兼資焉

大名 恩 開德 鄆 濟 滑 濮 博 德 濱

棣 滄 清 永靜

右古兗州地按禹貢濟河惟兗州

東南據濟西北距河地

非險固風雜數國

衛魏宋齊趙

秦漢以降政理混同

人情樸厚俗有儒學及晉之末為戰爭之地三

百年間傷夷偏甚唐興復如近古之風

青 齊 濰 登 萊 密 安東

右古青州地按禹貢海岱惟青州

東北據海西南距岱古

齊號稱強國憑負山海擅利鹽鐵

管仲謂楚師曰我齊東至

於海西至於河南至於穆陵北至於無棣穆陵山今琅琊郡沂水縣界無棣今景城郡縣又燕

王謂蘓秦曰吾聞齊地清濟濁河可以為國長城巨防可以為塞今濟陽郡廬縣界有防門山東至海又有長地太公用之而富人管仲資之而興霸

人情變詐好行機術豈因輕重而為弊乎固知

導人之方先務推以誠言

漢高帝罵婁敬曰齊魯以古得官又汲黯

謂公孫弘齊人多詐

逮於漢氏封立近戚

漢初田肯說高帝曰齊東有琅

琊即墨之饒南有太山之固西有濁河之險北有渤海之利隔懸千里齊得十二馮故號東西

秦非親子弟勿王

武王臨極儒雅甚興晉惠之後淪沒

僭偽慕容建國二代而亡今古風頗革文有文

學唐初立都督府命親王鎮之漢氏之制信可  
取也

徐宿兗海沂泗淮陽

右古齊州地按禹貢海岱及淮惟徐州

東至海  
北至岱

淮南及蓋鄒魯舊國漢興猶有儒風自五胡亂華

天下分裂二境尤被傷殘彭城要害藩捍南國  
必爭之地常置重兵數百年中無復誦誦況去  
聖人久遠人情遷蕩大抵徐兗其俗畧同



揚 高郵 楚 通 泰 滁 和 真 壽 廬

蘄 舒 濠 光 平 江 宣 太 平 池 廣 德

潤 常 湖 杭 睦 越 歙 明 台 處 溫

婺 衢 饒 信 江 洪 撫 吉 筠 袁 虔

南 康 南 安 臨 江 建 昌 福 建 南 劍 泉

漳 汀 邵 武 興 化 無 為 秀 江 寧 潮

右古揚州地按禹貢淮海為揚州

北據淮東  
南距海人

性輕揚而尚鬼好祀每王綱解紐宇內分崩江

淮濱海地非形勢得之與失未必輕重故不暇

先爭然長淮大江皆可拒守

吳晉宋齊梁陳皆以江淮要害之地

置兵閩越遐陬僻在一隅憑山負海難以德撫

漢武

帝時朱買臣上言曰東越數反故東越王居衆山一人守險千人不得上永嘉之後

帝室東遷衣冠違難多所萃止藝文儒術斯之

為盛今雖閭閻賤品處力役之際吟詠不輟蓋

因顏謝徐庾之風扇焉

江陵 荆門 岐 歸 復 郢 安 岳 漢陽

鼎 澧 辰 沅 靖 施 黔 信陽 珍 溱

鄂 興國 潭 衡 永 道 郴 桂陽 全

邵 黃 遵義 武岡 錦 溪 漿 費 西高

右古荊州按禹貢荊及衡陽惟荊州

北據荊山及衡山之

陽其風俗畧同揚州雜以蠻率多勁悍南朝鼎

立皆為重鎮然兵強財富地逼勢危稱兵跋扈

無代不有

晉王敦陶侃桓玄桓溫宋謝晦南郡王義宣袁顥沈攸之桂陽王休範齊

陳顯達梁武帝陳王琳華

統皆自上流擁兵東下 是以上游之寄必精

擇其人焉

蔡 頴 頴昌 應天 亳 陳 開封 興仁 廣

濟 單 河南 孟 陝 虢 汝 鄭 唐 鄧

隨 襄 光化 均 拱

右古豫州地按禹貢荆河惟豫州

西南至荆山今襄陽郡南

漳縣界北距河

大抵荆河之間四方輻湊故周人善賈

趨利而織晉韓國分野亦有險阻

蕪秦謂韓宣王曰韓北有

鞏成臯之固西有宜陽商阪之塞東有苑穰洧水南有陘山也鞏成臯則今密縣汜水也宜陽

商阪即今福昌山及商山也苑  
據今南陽界陞山今密縣山自東漢魏晉宅

於洛陽永嘉以後戰爭不息元魏徙居纔過三

紀自西晉永嘉五年劉曜陷洛陽執懷帝至後  
魏太和十九年經百八十七年遷都至永熙

三年又經三十九  
年分為東西魏矣逮乎二魏爰及齊周河洛汝

潁迭為攻守夫土中風雨所交宜乎建都立社

均天下之漕運便萬國之享獻不恃隘害務修

德刑則卜代之期可延久也

興元 洋金房達開渠廣安梁閭

巴 蓬 昌 普 恭 南 平 涪 合 忠 梁 山  
萬 夔 大 寧 利 三 泉 劍 綿 梓 遂 漢  
成 都 彭 蜀 邛 雅 黎 嘉 簡 懷 安 眉  
仙 井 榮 資 瀘 叙 富 順 永 康 祺 亨  
威 茂 長 寧 商 鳳 階 成 興 文 龍  
萬 叙 扶 翼 真 當 悉 恭 柘 靜 姚  
疊 宕 乾

右古梁州地按禹貢華陽黑水惟梁州

東據華山之南

西距黑水

巴蜀之人少愁苦而輕易淫佚周初從武

王勝殷

庸蜀羌髳微盧彭濮人是也

東遷之後楚子強大而

役屬之暨於戰國又為秦有資其財力國以豐

贍漢景帝時文翁為蜀郡守建立學校自是蜀

土學者比齊魯焉土肥沃無凶歲山重複四塞

險固王政微缺趺危先起

公孫述劉備李雄義縱迭據之皆因中原

多故事一方之寄非親賢勿居

京兆

鳳翔

隴

邠

耀

同

華

坊

延安

保安 鄜 丹 環 豐 麟 府 綏德 銀 涇

慶 渭 鎮戎 原 德順 懷德 寧 秦 鞏

熙 積石 河 西安 西寧 蘭 湟 會 洮

岷 廓 夏 宥 靈 監 豐 勝 甘 涼 瓜

肅 沙 西 伊 安 西 北 庭

右古雍州地按禹貢黑水西河惟雍州

西據黑水東距

西河 西河龍門河也在異州西黑水出張掖郡雞山南流至燉煌郡經三危山過南溪郡入南

海厥田上上鄠杜之間號稱陸海四塞為固被



山帶河秦氏資之遂平海內漢初高帝納婁敬  
說而都焉又徙齊諸田楚昭屈景燕趙韓魏之  
後及豪族者家於關中強本弱末以制天下自  
是每因諸帝山陵則遷戶立縣率以為常故五  
方錯雜風俗不一漢朝京輔號為難理其安定  
彭原之北汧陽天水之西接近胡戎多尚武節  
自東漢魏晉羌氏屢擾旋則苻姚迭據五梁更  
亂三百餘祀戰爭方息帝都所在是曰浩穰其

餘郡縣習俗如舊

舜十二州

晉絳 慈隰 河解 太原 遼 威勝

平定 汾 忻 代 嵐 石 憲 澤 潞 苛嵐

寧化 火山 保德 雲 應 新 寰 儒 毅

蔚 朔 府 安北 鎮北 單于

右并州

幽 涿 易 檀 薊 媯 平 營

右幽州

安東上都護府

右營州按書舜肇十有二州孔安國云禹治水  
之後舜分冀州為幽州并州分青州為營州始  
置十二州餘九州依上

七國

京兆 商 華 同 耀 邠 鳳翔 麟 延安  
丹 坊 鄜 銀 夏 寧 慶 環 原 涇 渭

宥 靈 鹽 鳳 秦 岷 會 鞏 蘭 河 熙  
號 隴 綏 德 保 安 西 安 鎮 戎 德 順

右秦地

開 封 大 名 河 中 興 仁 晉 絳 慈 隰 解

衛 深 祁

右魏地秦始皇二十二年王賁代魏引河溝灌  
大梁遂滅魏

鄭 潁 昌 唐 鄧 均 汝 陝

右韓地秦始皇十七年內史勝滅韓以其地置

潁川郡

澤潞遼代沂憲汾嵐石勝府

豐太原洛相邢磁滄清冀恩

真定中山莫河間趙豐平定威勝

寧化岢嵐火山保德晉寧永靜順安

永寧雲蔚朔勝單于大都護

右趙地秦始皇十九年王翦破趙克邯鄲虜趙

王遷

幽 涿 霸 雄 媯 易 檀 薊 平 營 保

順 信 安 保定 安肅 廣信 安東

右燕地秦始皇二十五年王賁攻遼東虜燕王  
喜

登 萊 沂 密 維 青 淄 濱 滄 棣 齊

德 博

右齊地秦始皇二十六年王賁攻齊齊降

房金澤興元雲夔鼎澧辰黔  
安岳黃鄂復郢襄峽歸施江  
陵沅楚通泰楊奚滁濠和壽  
廬舒光蘄江筠吉潤湖江寧  
秀池歙宣睦棠平江杭越明  
台婺溫處衢隋穎海黃饒信  
洪虔支撫潭衡道永邵全郴  
漣陳漢陽無為南康興國臨江南安

太平 廣德 光化 信陽 建昌 桂陽 武岡

荆門 溪 錦

右楚地秦始皇二十四年王翦破楚虜楚王負  
芻二十五年悉定荆江南地降百越之君置會  
稽郡

西京 孟

右周地赧王五十九年九鼎入秦周遂亡實秦  
昭襄王五十一年按漢志秦地於天官東井輿



鬼之分野也其界自弘農故關以西京兆扶風  
馮翊北地上郡西河安定天水隴西南有巴蜀  
廣漢犍為武都西有金城武威張掖酒泉燉煌  
又西南有牂牁越雋益州皆宜屬焉魏地觜觿  
參之分野也其界自高陵江東盡河東河內南  
有陳留及汝南之召陵潁疆新汲西華長平潁  
川之武陽偃許偃陵河南之開封中牟陽武酸  
棗卷皆魏分也韓地角亢氐之分野也韓分晉

得南陽郡及潁川之父城定陵襄城潁陽潁陰  
長社陽翟郟東接汝南西接引農得新安宜陽  
皆韓分也趙地昂畢之分野也趙分晉得趙國  
北有信都真定常山中山又得涿郡之高陽郾  
州鄉東有廣平鉅鹿清河河間又得渤海郡之  
東平野中邑文安東州成平章武河以北也南  
至浮水繁陽內黃斥邱西有太原定襄雲中五  
原上黨上黨本韓之別都遠韓近趙後卒降趙

皆趙分也燕地尾箕分野也燕東有漁陽右北  
平遼西遼東西有上谷代郡雁門南得涿郡之  
易容城范陽北新城固安涿縣良鄉新昌及勃  
海之燕次皆燕分也樂浪玄菟亦宜屬焉齊地  
虛危之分野也東有淄川東萊琅琊高密膠東  
南有泰山城陽北有千乘清河以南勃海之高  
密高城重合信陽西有濟南平原皆齊分也楚  
翼軫之分野也今之南郡江夏零陵桂陽武陵

長沙及漢中汝南郡盡楚分也周地柳七星張  
之分野也今之河南雒陽穀城平陰偃師鞏尉  
氏是其分也宗雒邑與宗周通封析東西長而  
南北短長短相覆為千里至襄王以河南賜晉  
文公又為諸侯所侵故其分地小

秦十四郡

衛 懷 孟 開封 鄭 河南 汝 陝 虢 拱

右三川郡

有河洛伊  
故曰三川

晉絳慈隰解河中

右河東郡

洛相邢磁趙

右邯鄲郡

安黃鄆復郢襄峽歸施江陵

漢陽興國荆門

右南郡

楚通泰揚真滁濠和壽廬舒

光 蘄 筠 吉 饒 信 洪 虔 袁 撫 無  
為 南 康 臨 江 南 安 高 郵 建 昌

右九江郡

江 寧 池 歙 宣 太 平 廣 德

右鄞郡

常 平 江 秀 杭 越 明 台 婺 溫 處

衢 潤 湖 睦

右會稽郡

潁昌 陳蔡

右潁川郡

應天 興仁 鄆 濟 單 亳 廣濟

右碭郡

徐宿泗

右泗水郡

兗海 淮陽

右薛郡

博 濮 大名 滑 開德

右東郡

沂 密

右琅瑯郡

濰 登 萊 青 溫 棣 德 齊 濱

右齊郡

幽 涿 信安 霸 保定 雄 莫 河間 順安

保 永寧 媯 安肅 祁 廣信 易 中山



右上谷郡

檀  
薊

右漁陽郡

平

右古北平郡

營

右遼西郡

安東上都護

右遼東郡

蔚

右代郡

滄  
清  
冀  
恩  
深  
真定  
永靜

右鉅鹿郡

澤  
潞  
遼  
平定  
威勝

右上黨郡

代  
忻  
憲  
汾  
嵐  
石  
府  
太原  
寧化  
奇

嵐 火山 保德 晉寧

右太原郡

勝 單于大都護

右雲中郡

豐 安北

右九原郡

雲 應 朔

右雁門郡

麟 延安 丹 防 廊 銀 夏 綏德 保安

右上郡

鳳 秦 岷 會 鞏 蘭 河 熙

右隴西郡

寧 慶 環 原 涇 渭 宥 靈 西安 鎮戎

德順 鹽

右北地郡

房 金 洋 興元

右漢中郡

巴 蓬 閬 果 普 昌 瀘 恭 合 忠 萬

廣安 夔 大寧 開 達 渠 涪 梁山

右巴郡

利 三泉 劍 縣 遂 梓 漢 彭 成都 眉

蜀 邛 雅 嘉 簡 永康 仙井 資 叙 縈

懷安

右蜀郡

鼎 澧 溪 辰 錦 黔 沅 獎 思

右黔中郡

岳 潭 衡 邵 永 道 郴 遠 全 桂 陽

右長沙郡

商 華 京 兆 同 耀 邠 鳳 翔 隴

右內史郡

福 建 泉 南 劍 邵 武 汀 漳 興 化

右閩中郡

潮梅循惠南雄廣韶英端康  
新恩南恩賀封高竇藤

右南海郡

桂昭梧龔潯鬱林融象貴柳

賓橫邕

右桂林郡

容化雷廉欽陸愛演驩宜峯

福祿安南大都護

右象郡按秦始皇十七年滅韓十九年滅趙二

十二年滅魏二十四年滅楚二十五年滅燕二

十六年滅齊遂并天下分為三十六郡郡置守

尉監

漢書百官表曰秦郡守掌治其郡有丞尉掌佐守典武職中丞監御史掌監郡於

是興師踰江平取百越又置閩中南海桂林象

郡凡四十郡其地西臨洮北沙漠東縈西帶皆

臨大海焉

輿地廣記卷一



欽定四庫全書

輿地廣記卷二

宋 歐陽忞 撰

漢十三郡

晉 絳 慈 隰 阿 中 解 懷 衛 河南 孟  
陝 虢 汝 鄭 商 京 兆 鳳 翔 隴 邠 耀  
同 華 坊

右司隸校尉領京兆扶風馮翊弘農河東河內

河南等郡國凡七

宿蔡潁潁昌應天亳

右豫州領潁州汝南布郡梁國魯國等郡國凡

五

真定中山趙深冀河間祁相磁邢

詔大名恩永寧

右冀州領魏郡鉅鹿常山清河廣平真定中山

信都河間趙國等郡國凡十

開德 鄆 濟 滑 濮 博 陳 開封 興仁

單 兗 扶 廣濟

右兗州領東郡陳留山陽濟陰泰山城陽淮陽  
東平等郡國凡八

密 徐 海 沂 楚 泗 通 泰 淮陽

右徐州領琅琊東海臨淮泗水楚國等郡國凡

三

德 濱 棣 青 齊 淄 維 登 萊

右青州領平原千乘濟南齊郡北海東萊膠東  
高密菑川等郡國凡九

江陵 峽 歸 復 郢 安 岳 鼎 澧 辰

沅 靖 施 黔 鄂 潭 衡 永 桂 道 郴

韶 全 邵 連 黃 唐 鄧 隨 襄 均 楊

蘄 光 英 荆 門 漢 陽 興 桂 陽 信 陽 光

化 錦 溪 樊 費

右荊州領南陽南郡江夏桂陽武陵零陵廣陵

長沙等郡國凡八

滁和真壽廬舒平江宣池潤

常湖杭睦越歙明台處溫婺

衢饒信江洪撫吉筠袁虔福

建泉漳汀濠秀江寧高郵太平

廣德南康南安臨江建昌南劍邵武

興化無為南雄

右揚州領廬江九江會稽丹陽豫章六合等郡

國凡六

興元 洋金 房達 開渠 果閭 巴

蓬昌 普恭 涪合 忠萬 夔利 劍

縣梓 遂漢 成都 彭蜀 邛雅 黎

嘉簡 眉榮 資瀘 叙祺 亨威 茂

文龍 珍承 秦廣 安南 平遵 義大 寧

三泉 梁山 懷安 仙井 富順 長寧 永康

雋扶 姚翼

右益州領漢中廣漢巴郡蜀郡犍為越雋牂牁  
益州等郡國凡八

鳳階成興涇慶渭原寧秦鞏

熙河蘭湟會環岷鎮戎懷德西

寧西安德順積石甘涼瓜肅沙

靈鹽宥

右涼州領安定北地隴西武陵金城天水武都

張掖酒泉敦煌等郡國凡十

太原 遼 汾 忻 代 嵐 石 憲 澤 潞

延安 廊 坊 丹 銀 豐 府 麟 威勝 平

定 苛嵐 寧化 火山 保德 綏德 保安 晉

寧 雲 應 新 夏 勝 豐 單于

右并州領太原上黨上郡西河朔方五原雲中

定襄雁門等郡國凡七

雄 霸 滄 清 莫 保 信安 順安 保安

安肅 廣信 蔚 朔 幽 涿 易 檀 薊 媯



平營安東

右幽州領涿郡渤海代郡上谷漁陽右北平遼  
西遼東廣陽樂浪玄菟等郡國凡十一

廣循賀昭封端新康惠容邕

象融梧藤龔潯貴柳賓橫化

高雷欽廉瓊峯爰驩陸長演

林景山潮梅南恩鬱林昌化萬安

朱崖福祿安南

右交州領南海鬱林蒼梧交趾合浦九真日南  
等郡國凡七始皇罷侯置守郡縣天下漢興以  
秦地太大更加置郡國至武帝攘却胡越開地  
斥境改雍曰涼改梁曰益又置徐州復禹舊號  
置交趾初為交趾後為交州朔方初為朔方後為并州凡十三州部  
刺史而不常所理至哀平之際新置郡國六十  
三與秦四十合一百三焉

晉  
絳  
慈  
隰  
河中  
解  
懷  
衛  
孟  
河南

陝 虢 汝 鄭 商 京 兆 鳳 翔 隴 邠 耀  
同 華 坊 宿 蔡 潁 潁 昌 應 天 拱 毫  
開 德 鄆 濟 滑 濮 博 陳 開 封 興 仁  
廣 濟 單 德 濱 棣 青 齊 淄 濰 登  
萊 密 徐 兗 海 沂 泗 淮 陽 成 涇  
慶 渭 鎮 戎 原 懷 忠 寧 秦 鞏 熙 積  
石 河 西 安 西 寧 蘭 湟 會 真 定 中 山  
趙 深 冀 河 間 祁 保 莫 相 磁 邢

為	府	隨	泰	哥	勝	定	沼
甘	綏	均	滁	嵐	平	安	大
涼	德	金	真	寧	定	肅	名
爪	銀	房	壽	化	汾	廣	恩
肅	豐	延	廬	火	忻	信	雄
沙	德	安	黃	山	代	霸	霸
蔚	順	廊	光	保	嵐	信	信
朔	坊	丹	郢	德	石	安	安
幽	保	堦	襄	楊	憲	寧	永
涿	安	岷	唐	高	澤	寧	寧
易	無	麟	鄧	郵	潞	威	順
				楚			安
				通			保

檀 蒯 媯 平 營 雲 應 新 豐 夏 宥

靈 鹽 安 東 單 于

右魏地

江 陵 荆 門 峽 歸 岳 漢 陽 鼎 澧 辰

沅 靖 施 黔 鄂 興 國 潭 衡 永 桂

道 郴 桂 陽 韶 全 邵 連 信 陽 光 化

和 蘄 舒 平 江 宣 太 平 池 廣 德 潤

常 湖 杭 睦 越 歙 明 合 處 溫 婺

衢 饒 信 江 洪 撫 吉 筠 袁 虔 南

康 南 安 臨 江 建 昌 福 建 南 劍 泉 漳

汀 邵 武 興 化 廣 循 賀 昭 封 端 新

康 南 恩 南 雄 英 惠 容 邕 象 融 梧

藤 龔 潯 貴 柳 宜 嚴 賓 橫 化 高

鬱 林 雷 欽 廉 瓊 昌 化 萬 安 朱 崖 峯

愛 隴 陸 福 祿 長 湯 演 林 景 山

滾 田 環 龍 潮 梅 安 南 錦 溪 獎

費

右吳地

興元 鳳 階 興 洋 達 開 渠 廣 安 果

閬 巴 蓬 昌 普 恭 南 平 涪 合 忠

梁 山 萬 夔 大 寧 利 三 泉 劍 縣 梓

遂 漢 成 都 彭 蜀 邛 雅 黎 嘉 簡

懷 安 眉 仙 井 榮 資 瀘 叙 富 順 永 康

祺 亨 威 茂 又 龍 珍 遵 義 永 泰



長寧 雋 松 扶 翼 真 姚

右蜀地漢末三國並起魏氏據中原都洛有州

十二

司隸理河南豫理譙充理武威青理臨淄  
徐理彭成涼理分涼置秦理上邽興理鄠

幽理前并理晉陽楊  
理壽春雍理京兆

有郡國六十八東自廣陵

揚州張  
遼鎮之

壽春

青州毋邱儉諸  
葛誕皆鎮之

合肥

今廬江郡  
滿龍鎮之沔

口

今漢陽郡建安十五年  
文聘為江夏太守鎮焉

重兵以備吳西自隴

西南安

隴西  
縣

祁山

今同  
谷郡

漢陽

今天  
水郡

陳倉

今鳳  
翔府

重兵以備蜀蜀主全制巴蜀都成都置益

理成都



梁

理漢中

二州有郡二十二以漢中

今興元府蔣琬姜維皆鎮

之興勢

今洋川郡王平鎮之

白帝

今雲安郡

為重鎮吳王北據

江南都鄂後遷建業盭海置交

理龍編

廣

理番禺今南海

郡

荊

理南郡今江陵府

郢

理江夏今郡

揚

理建業今丹陽郡

五州有

郡四十三以建平

今巴東郡

陵

今夷陵郡陸遜陸抗並鎮之

樂

郡

今江陵松滋縣東

南郡

今江陵郡

巴邱

今巴陵郡魯肅孫松並鎮之

夏

口

今江夏郡孫慎鎮之

武昌

今江夏郡

皖郡

今同安郡諸葛恪屯此

牛渚

圻

今宣城郡當塗縣

濡須塢

今歷陽縣西南百八十里

為重鎮其後

得汧口

孫權嘉禾俊陸遜諸葛恪屯守

邾城

今齊安郡東西界臨江興江夏武昌

對相廣陵自三國鼎立更相侵伐互有勝負疆境

之外彼此不常纔得遽失則不暇存今畧紀其

久經屯守及要害之地焉

其守將亦略紀其知名者餘不可編舉

晉十九道

河南 汝 鄭 號 陝 華 商 隰 慈 晉

絳 解 河中 衛 懷 洺 大名 磁 相 開

德 孟

右司州領河南滎陽弘農上洛平陽河東汲郡

河內廣平陽平魏郡頓邱等郡國凡十二

開封

濮滑廣濟興仁鄆單拱

右兗州領陳留濮陽濟陽高平任城東平濟北

泰山等郡國凡八

庸建平宜陽南平武陵天門長沙衡陽湘東零

陵邵陵桂陽武昌安武等郡國凡二十二

江寧潤池宣淶濠壽舒廬洪

和常平江秀杭睦湖越明汀

婺衢歙合福建泉州漳江撫筠

饒信虔溫處太平廣德無為南劍

邵武建昌興化臨江南安

右揚州領丹陽宣城淮南廬江毘陵吳郡吳興

會稽東陽新安臨海建安晉安豫章臨川鄱陽

廬陵南康等郡國凡十八

蘭涼甘肅沙瓜積石河西寧湟

會伊

右涼州領金城西平武威張掖西郡酒泉敦煌  
西海等郡國凡八

京兆 鳳翔 同 隴 邠 涇 原 耀 渭 寧

靈 環 鎮戎 德順

右雍州領京兆馮翊扶風安定北地始平新平  
郡國凡七

熙 岷 秦 鳳 興 階 文 龍 成 鞏

右秦州領隴西南安天水畧陽武都陰平等郡

國凡六

富順 資 仙井 榮 嘉 眉 彭 成都 蜀

邛 威 茂 黎 雅 瀘 昌 普 簡 懷安

叙 永康 長寧 遵義 嵩 翼 松 漆 珍

西高 永亨

右益州領蜀郡犍為汶山漢嘉江夏朱提越雋

牂牁等郡國凡八

劍縣 洋興元 漢遂寧 潼川 忠合

恭涪 蓬達 渠廣安 閬果 大寧 夔

開梁山 萬巴 南平 利三泉

右梁州領漢中梓潼廣漢新都涪陵巴郡巴西

漢昌巴東等郡國凡九

姚

右寧州興古建寧永昌凡三郡

幽涿 易檀 薊平 蔚安肅 廣信

右幽州領范陽燕國北平上谷廣密代郡遼西

郡凡七

安東上都護府

右平州領昌黎遼東樂浪玄菟帶方等郡國凡

五

雷欽 廉瓊 峯愛 驪陸 福祿 長

湯演 林景 山容 安南

右交州領合浦交趾新昌武平九真九德日南



等郡國凡八

韶連梅潮廣循封端新康南

恩南雄英惠桂融邕象賀昭

梧藤龔潯貴柳嚴賓橫化高

鬱林

右廣州領南海臨賀始安始興蒼梧鬱林桂林

高涼高興寧浦凡十郡晉武帝太康元年平吳

分為十九州部置司州理洛陽充理廩邱

今濮陽郡

雷澤縣

荊河理項

今淮陽郡項城

巢理房子

今趙郡縣

井理晉

陽青理臨淄徐理彭城荊初理襄陽後理江陵

揚初理壽春後理建業凉理武威分三輔為雍

理京兆分隴山之西為秦理上邽並理成都分

巴漢之地為梁理南鄭分雲南為寧理雲南幽

理涿分遼東為平理昌黎

今安東府

交理昌編

今安南府

分合浦之北為廣理番禺又增置郡國二十有

一凡州百五十有六縣千百有九以為冠帶之

國盡秦漢之土及永嘉南渡境宇殊狹九州之

地有其一焉初元帝命祖逖鎮雍邱

今陳留郡

逖死

北境日促於是荆豫青兗四州及徐州之半陷

劉曜石勒以合肥

戴若思鎮之

淮陰

今山陽郡劉遐鎮之

壽陽

今壽春郡

泗口

今泗州劉祖約鎮之

角城

今泗州

為重鎮成

帝時都守將退屯襄陽

今穀城縣

穆帝時平蜀國復

梁益之地又遣軍西入關至灊上再北伐一至

洛陽一至枋頭所得郡縣軍旅又失泊苻堅東

平慕容暉西南陷蜀漢西北寇姑臧則漢水長淮以北悉為堅有及堅敗再復梁益青徐兗荆河司之地其後青兗陷於慕容德荆河司陷於

姚興以彭城為北境藩扞

宋序鎮之

後益梁又陷於

譙縱每因劉石苻姚攘亂之際則進兵屯戍在於漢中襄陽彭城然大抵上明

今江陵松滋縣

江陵夏

口武昌合肥壽陽淮陰嘗為晉氏鎮守義熙以後又復青兗司荆河梁益之地而政移於宋矣



輿地廣記卷二

欽定四庫全書

輿地廣記卷三

宋 歐陽忞 撰

唐十五道採訪使

關內道

京兆 華 同 商 鳳翔 邠

右京畿採訪使治京城內

隴 涇 原 渭 武 威 今定安 雄 今廢 寧 慶 廊

丹

延

亦今延安

靈

會

鹽

夏

綏

今綏德

宥

麟

勝

豐

單于大都護

安北大都護

鎮北大都護

右關內採訪使以京官領

河內道

河南

汝

右都護採訪使治東都城內

陝

虢

滑

鄭

潁

許

今潁昌

陳

蔡

汴

今開封

宋

天

今應

亳

徐

泗

濠

宿

鄆

齊

曹

今興仁

濮



青淄登萊棣兗海沂密

右河南採訪使治汴州

河東道

河中晉絳慈隰太原汾沁今勝威遼

嵐憲忻代雲朔蔚武今新潞

澤

右河東採訪使治河中

河北道

孟懷

魏

今大名

博

相

衛

貝

今恩州

澶

今開德

刑

沼

惠

今磁州

鎮

今真定

真

深

趙

滄

景

今永靜

德

定

今中山

易

涿

幽

瀛

今河間

莫

平

媯

檀

薊

管

安東

上都護

右河北採訪使治魏州

山南道

江陵

峽

歸

夔

澧

朗

今鼎州

忠

涪

萬

襄

泌

今唐州

隋

鄧

均

房

復

郢

金

右東道採訪使治襄州

興元 洋 利 鳳 興 成 文 扶 集  
今廢 壁 今廢

巴 蓬 通  
今達州 開 閬 果 渠

右西道採訪使治梁州

隴右道

秦 河 渭  
今鞏州 鄯  
今湟州 蘭 臨  
今臨州 階 洮 岷

廓 疊 石 涼 沙 瓜 甘 肅 伊 西 西

大都護 北庭大都護

右隴右採訪使治鄯州

淮南道

揚楚滁郵壽廬舒光蘄安黃

信

今信州

右淮南採訪使治揚州

江南道

潤

昇

今江寧

常

蘓

今平江

湖

杭

睦

越

明

衢

處

婺

溫

台

福

建

泉

汀

漳

右東道採訪使治蘇州

宣歙池洪江鄂岳饒虔吉袁

信撫漳衡永道郴邵

右西道採訪使治洪州

黔辰錦施叙今沅州獎夷今永州播思費

南今南平溪漆

右黔中採訪使治黔中

劍南道

成都彭

關

溪

嘉

眉

邛

簡

資

雋

闕

黎

茂

翼

維

州今威

戎

州今叙

姚

松

當

悉

靜

柘

恭

保

州今棋

真

霸

乾

梓

遂

縣

劍

合

龍

普

渝

州今恭

陵

井今仙

榮

昌

瀘

保

寧都護

廢今

右劍南採訪使治益州

嶺南道

廣

韶

循

潮

康

瀧

廢今

端

新

封

潘

廢今

春

廢今勤今辯今高恩今南雷崖今瓊振儋今昌

萬安邕澄今賓橫潯今鬱今貴龔象

藤巖宜灤龍田環桂梧賀連

柳富今昭蒙今嚴今融思唐今古容牢今

白今順今繡今鬱林黨今竇今禹今蘆義今安南

中都護陸岑愛驩長福祿芝今武我

廢今演武安今湯

右嶺南採訪使治廣州按唐志云自秦變古始

郡縣天下下更漢晉分裂為南北至隋滅陳天下始合為一乃改周為郡依漢制置太守以司隸刺史相統治唐興高祖改郡為州太守為刺史又置都督府以治之然天下初定權置州郡頗多太宗元年始命併省又因山川形便分天下為十道一曰關內二曰河南三曰河東四曰河北五曰山南六曰隴右七曰淮南八曰江南九曰劍南十曰嶺南至十三年定簿凡州府三



百五十八縣一千五百五十一明年平高昌又  
增州二縣六其後北珍寔厥頡利西平高昌北  
踰陰山西抵大漠其地東極海西至焉耆南盡  
林州南境北接臨延陀界開元二十一年又因  
十道分山南江南為東西道增置黔中道及京  
畿都畿置十五採訪使檢察如漢制刺史之職  
天寶盜起中國用兵而河西隴右不守陷於吐  
蕃至大中咸通始復隴右乾符以後天下大亂

至於唐亡然唐之盛時開元天寶之際東至安  
東西至安西南至日南北至單于府蓋南北如  
漢之盛東不及而西過之

唐藩鎮

貝博魏相磁沼衛

右魏博傳五世至田弘正入朝十年復亂更四  
姓傳十世有州七

恒  
吳  
深  
趙

右成德更二姓傳五世至王承元入朝明年王  
庭湊反傳六世有州四

幽 涿 營 瀛 莫 平 蓟 媯 檀

右盧龍更二姓傳五世至劉總入朝六月朱克  
融反傳十二世有州九

淄 青 齊 海 登 萊 沂 密 曹 濮 兗  
鄆

右淄青傳三世而滅有州十二

滄景德棟

右滄景傳三世至程灌入朝十六年而李全畧有之至其子同捷而滅有州四

汴潁宋亳

右宣武傳四世而滅有州四

申光蔡

右彰義傳三世而滅有州三

邢汾晉澤潞

右澤潞傳三世而滅有州五按唐贊云安史亂  
天下至肅宗大難畧平君臣皆幸安故不分河  
北地付授叛將護養孽萌以成禍根亂人乘之  
遂擅署吏以賦稅自私不朝獻於庭效戰國脰  
髀相依以土地傳子孫脰百姓加鋸其頸利怵  
逆汙遂使其人自視猶羗狄然一寇死一賊生  
訖唐亡百餘年卒不為王土

五代

梁有州七十八

汴

洛都

雍兗

沂

密

青

淄

齊

棣

登

萊

徐

宿

鄆

曹

濮

宋

亳

單

潁

陳

蔡

許

汝

鄭

滑

襄

均

房

鄧

隨

郢

唐

復

安

申

蒲

孟

懷

晉

絳

浹

虢

華

商

同

耀

邠

寧

虔

衍

廊

坊

丹

延

夏

銀

綏

宥

靈

鹽

魏

博

貝

衛

澶

相

邢

洺

磁

鎮

冀

深

趙

易

祁

定

唐有州一百二十三

汴	洛都	雍	兗	沂	密	青	淄	齊	棣	登
萊	徐	宿	鄆	曹	濮	宋	毫	單	潁	陳
蔡	許	汝	鄭	滑	襄	均	房	鄧	隨	郢
唐	復	安	申	蒲	孟	懷	晉	絳	陝	虢
華	商	同	耀	寧	慶	衍	郿	坊	丹	延
夏	銀	綏	宥	靈	鹽	岐	隴	涇	原	渭

武秦成階鳳乾魏博貝衛澶  
相邢洺磁鎮冀深趙易祁定  
滄景德瀛莫幽涿檀薊順營  
平蔚朔雲應新媯儒武忻代  
嵐石憲麟府并汾慈隰澤潞  
沁遼

晉有州一百九

汴洛都雍兗沂密青淄齊棣登



萊徐宿鄆曹濮宋亳單潁陳  
蔡許汝鄭滑襄均房金鄧隨  
郢唐復安申蒲孟懷晉絳陝  
虢華商同耀邠寧慶衍威廊  
坊丹延夏銀綏宥靈鹽岐隴  
涇原渭武秦成階鳳乾魏博  
貝衛澶相邢洺磁鎮冀深趙  
易祁定滄景德忻代嵐石憲

麟府并汾慈隰澤潞沁遼

漢有州一百六

汴洛都雍兗沂密青淄齊棣登

萊徐宿鄆曹濮宋亳單潁陳

蔡許汝鄭滑襄均房金鄆隨

郢唐復安申蒲孟懷晉絳陝

號華商同耀解邠寧慶衍威

廊坊丹延夏銀綏宥靈鹽岐

隴涇原渭武乾魏博貝衛澶  
相邢洺磁鎮冀深趙易祁定  
滄景德忻代嵐石憲麟府并  
汾慈隰澤潞沁遼

周有州一百一十八

汴洛都雍兗沂密青淄齊棣登  
萊徐宿鄆曹濮濟宋亳單潁  
陳蔡許汝鄭滑襄均房金鄧

隨郢唐復安申蒲孟懷晉絳  
陝虢華商同耀解邠寧慶威  
鄜坊丹延夏銀綏宥靈鹽岐  
隴涇原渭秦成階鳳乾魏博  
貝衛澶相邢洺磁鎮冀深趙  
易祁定滄德濱瀛莫雄霸府  
慈熙澤潞楊楚泗滁和光黃  
舒蘄廬壽海泰濠通

右按五代史職方考云唐自僖昭以來日益割

裂梁初天下別為十一南有吳浙荆湖閩漢西

有岐蜀北有燕晉

劉仁恭稱燕李克用稱晉李茂貞稱岐錢鏐稱吳越楊行

密稱吳王審知稱閩馬殷稱楚王建稱蜀高季興稱南平劉隱稱南漢

而朱氏所有

七十八州以為梁

朱溫

莊宗初起并代取幽滄有

州三十五其後又取梁魏博等十六州

魏博貝衛澶相

邢洛磁鎮冀深趙易祁定

合五十一州以滅梁岐王稱臣又

得其州七

岐隴涇原渭武乾

同光破蜀已而復失惟得

秦鳳階成四州而營平四州陷於契丹其增置

之州一寰合一百二十三州以為唐

莊宗李克用之子

石氏入立獻十有六州於契丹

瀛莫幽涿檀薊順蔚湖雲應新

武襄 嬌儒

而得蜀金州又增置之州一

威合一百九

州以為晉

石敬瑭

劉氏之初秦鳳階成復入於蜀

隱帝時增置之州一

解

合一百六州以為漢

劉萬

郭氏代漢十州入於劉旻

沂代嵐石憲麟井汾沁

遼世宗取

秦鳳階成瀛莫及淮南十四州

揚楚泗滁和光黃舒蘄廬壽海

泰

又增置之州五

濟溪雄霸通

而廢者三

衍武景

合一

百一十八州以為周

郭威

宋興因之此中國之大

畧也其餘外屬者強弱相并不常其得失至於

周末閩已先亡

閩有州五建汀漳泉入於石晉福入於吳越

而在者

七國自江以南二十一州

潤常宣歙鄂昇池饒信江洪撫袁吉虔筠

建汀劍漳泉

為南唐

晉天福二年吳楊溥遜位於徐知誥知誥改姓李名昇號南唐

自劍以南及山南西道四十六州

益漢彭蜀緜眉嘉劍梓遂

果閬普陵資榮簡邛黎雅維茂文龍黔施夔忠萬興利州通涪渝瀘合昌巴蓬集壁渠成梁洋

為蜀

前蜀王建梁時稱帝於成都建死子衍立唐莊宗同光三年衍降孟知祥鎮成都明

宗時封蜀王為後蜀

自湖南北十州為楚

潭衡豐朗岳道永卽全辰自

浙東西十三州為吳越

福杭越蘇湖溫台明處衢婺睦秀

自嶺

南北四十七州為南漢

融邠連昭宜桂賀梧蒙嚴富柳象容邕端康封

恩春新高竇雷化韶滕白廣欽廉橫賓潯忠鬱林英雄瓊崖儋萬安羅潘勤龍辨

自太

原以北十州為東漢

劉

而荆歸峽三州為南平

合中國所有二百六十八州而軍不在焉

輿地廣記卷三



欽定四庫全書

輿地廣記卷四

宋 歐陽忞 撰

皇朝郡國

四京

東京 西京 南京 北京

京東東路

青 密 齊 沂 登 萊 濰 淄 淮 陽

京東西路

充徐拱興仁鄆濟單濮廣濟

京西南路

襄鄧隨金房均郢唐光化

京西北路

潁昌鄭滑孟蔡陳潁汝信陽

河北東路

開德河間滄冀博棣莫雄霸德

濱恩清永靜信安保定

河北西路

真定相中山邢懷衛洺深磁祁

趙保安肅永寧廣信順安

河北路化外州

安東上都護幽涿易檀薊媯平營

陝西永興軍路

京兆河中陝延安同華耀邠鄜

解慶號商寧坊丹環銀綏德  
保安

陝西秦鳳路

鳳翔秦涇熙隴成鳳岷渭原

階河蘭鞏會西安西寧湟廓洮  
鎮戎德順懷德積石

陝西路化外州

安西大都護北庭大都護靈夏涼沙瓜

鹽勝西伊甘肅疊宕豐宥

河東路

太原潞晉府麟絳代隰慈忻

汾澤憲嵐石遼豐威勝平定苛

嵐寧化火山保德晉

河東路化外州

單于大都護安北大都護鎮北大都護雲應

新蔚朔寰儒殺

淮南東路

揚毫宿楚海泰泗滁真通高

郵

淮南西路

壽廬蘄和舒濠光黃無為

西浙路

杭越平江潤湖婺明常溫台

處衢睦秀

江南東路

江寧 宣歙 江池 饒信 太平 南康

廣德

江南西路

洪慶 吉 袁 撫 筠 興國 南安 臨江

建昌

荆湖南路

潭衡 道永 郴邵 全武岡 桂陽

荆湖北路

江陵 鄂安 復鼎 澧 峽 岳 歸 辰

沅 靖 漢陽 荆門

荆湖北路化外州

錦 獎 溪

成都府路

成都 眉 蜀 彭 緜 漢 嘉 邛 黎 雅

茂 簡 威 祺 亨 永康 仙井



成都府化外州

松當悉靜恭拓翼真乾姚鶴

梓州路

梓遂果資普昌叙瀘合榮渠

懷安廣安長寧富順

利州路

興元利洋閬劍巴文興蓬龍

三泉

利州路化外州

扶

夔州路

夔 黔 達 施 忠 萬 開 涪 恭 珍 承

漆 梁山 南平 遵義 大寧

夔州路化外州

費 西高

福建路

福建 泉 南 劍 汀 漳 邵武 興化

廣南東路

廣 韶 循 潮 連 封 端 新 康 南 恩

梅 南 雄 英 惠

廣南西路

桂 容 邕 融 象 賀 昭 梧 藤 龔 潯

貴 柳 宜 賓 橫 化 高 雷 欽 鬱 林

廉 瓊 昌 化 萬 安 朱 崖

廣南路化外州

安南大都護 峯 壤 巖 田 爰 驩 陸 福  
祿 長 湯 演 林 景 山 環 籠 古

輿地廣記卷四

欽定四庫全書

輿地廣記卷五

宋 歐陽忞 撰

四京

東京開封府今治開封祥符二縣春秋時為衛陳鄭三國之境戰國時屬魏秦屬三川郡漢屬陳留河南潁川淮陽郡東漢改淮陽為陳國晉屬陳留滎陽隸川元魏屬陳留許昌東魏分置開封郡兼立梁州北齊罷開封

郡後周改梁州為汴州陪開皇初罷陳留郡大業初罷汴州分入滎陽等郡唐武德四年復立汴州開元中為河南採訪使治所興元元年自宋州徙宣武軍於此以劉玄佐為節度使梁以州建國升為東京開封府後唐復為汴州宣武軍晉復升為東京開封府漢周及皇朝因之今縣十四

赤開封縣二漢屬河南郡晉屬滎陽郡東魏置開封郡北齊郡廢隨屬滎陽郡唐武德四年屬汴州正觀元

年省延和元年新浚儀尉氏復置移在郭下與浚儀分  
治有汴河蓋古良蕩渠也首受黃河水隋煬帝開浚以  
通江淮漕運兼引汴水亦曰通濟渠皇朝元豐中導洛  
通入謂之清汴有惠民河浚溝其地則衛詩所謂浚郊  
浚都者也有蓬池亦曰蓬澤故衛國之匡地竹書紀年  
云梁惠王發蓬忌之藪以賜民即此唐天寶元載更名  
福源地禁漁採有沙海戰國策顏率言大梁之君臣欲  
得九鼎謀於沙海之上在此蓼堤梁孝王築東至睢陽

長三百里有吹臺今曰繁臺本晉師曠作之梁孝王增築焉

赤祥符縣本大梁魏惠王所築惠王六年自安邑徙都于此故亦曰梁惠王竹書紀年云惠王為大溝于此郭以行圃田之水縣北有浚水像而儀之故謂之浚儀秦始皇二十三年攻魏引河水灌地而拔之二漢屬陳留郡晉及後魏因之東魏兼立梁州後周改為汴州隋開皇初郡罷大業初州罷屬滎陽郡隋末浚儀故縣為李



密所陷縣人王要漢師豪族置縣于今所而自為令唐高祖因立汴州以要漢為刺史武德四年移縣于州北正觀元年復移州西皇朝大中祥符二年更名有夷門山夷門者大梁城之東門也魏人侯羸抱關于此有蔡河蓋古琵琶溝也有廣濟河金水河有寒泉阪衛詩所謂爰有寒泉在浚之下

畿尉氏縣古獄官曰尉氏此本鄭獄官尉氏之邑二漢屬陳留郡晉及元魏因之東魏屬開封郡北齊省隋開

皇六年復置屬潁川郡唐武德四年置洧州正觀元年  
州廢汴州有惠民河長明溝三亭岡魏范雎與秦使王  
稽期于三亭之南即此有制澤陂左傳注滎陽宛陵縣  
東有制澤亦一宛陵地也

畿陳留縣留本鄭邑後為陳所並故曰陳留有莘城國  
語謂之莘墟漢武帝元狩元年置陳留郡晉為陳留國  
治小黃而省陳留縣隋開皇十六年復置屬梁郡唐屬  
洧州小黃縣漢高帝於此兵敗母時兵死後招魂葬號

昭靈后其處曰小黃園漢亦曰小黃縣故城在縣東北  
二漢屬陳留郡晉及元魏因之北齊省有皇恒山狼丘  
汴河睢溝其水首受菰蕩水東入泗

畿雍丘縣故杞國姒姓周武王封禹後東樓公先春秋  
時徙魯東北二漢屬陳留郡曹操圍張超于此城晉亦  
屬陳留東晉祖逖鎮此以禦石勒元魏置陽夏郡隋開  
皇初郡廢十六年置杞州大業初州廢屬梁郡唐武德  
四年復置杞州正觀元年州廢屬汴州圉廢鎮本漢圉

縣屬睢陽國故城在東南翟義興兵王莽遣孫建擊之  
于圉地義師大敗積尸萬數立為京觀東漢及晉屬陳  
留郡元魏屬陽夏郡北齊省隋開皇六年復置曰圉城  
屬梁郡唐正觀元年省漢外黃縣故城在東二漢屬陳  
留郡晉屬陳留國元魏省北齊復置隋屬濟陰郡唐正  
觀元年省有癸邱齊桓公會諸侯于此

畿封丘縣古封父之國左傳所謂周以封父之繁弱賜  
魯是也二漢屬陳留郡晉及元魏因之北齊省隋開皇

十六年復置屬東郡唐屬汴州亦漢平丘縣地有黑山  
白溝河封丘臺期城黃池吳王夫差會諸侯于此

畿中牟縣趙襄子時佛肸以中牟叛置鼎于庭不與已  
者烹之趙獻侯自耿徙此二漢屬河南郡晉及元魏屬  
滎陽郡東魏置廣武郡隋開皇初郡廢改中牟曰內牟  
屬鄭州十八年改內牟曰圃田唐武德三年復曰中牟  
亦屬鄭州梁開平元年來屬後唐同光初還之晉天福  
中復來屬北十二里有中牟臺是為官渡城曹公袁紹

相持之所有圃田澤為豫州之數有汴河鄭河

畿陽武縣兩漢屬河南郡晉元魏屬滎陽郡東魏屬廣武郡隋唐屬鄭州梁開平元年來屬有博浪沙張良擊秦始皇之所有黑陽山黃河汴河白溝

畿酸棗縣戰國時嘗為韓所都刺客聶政為濮陽嚴仲子殺韓相俠累于此秦拔魏置縣漢因之以其地多酸棗因以為名屬陳留郡東漢晉因之元魏屬東都北齊省隋開皇六年復置屬滎陽郡唐屬滑州梁開平元年

來屬唐同光初還之晉天福中復來屬有土山黃河金堤漢文帝時河決金堤即此有酸棗臺有延津袁紹渡津南立壁以拒曹公紹將淳于瓊宿烏巢在縣東為曹公所襲破之于此

畿長垣縣本衛之匡邑孔子畏于匡者故城在今縣南春秋會于匡即此地二漢為長垣縣屬陳留郡晉屬陳留國元魏屬東都隋開皇十六年改曰匡城屬滑州唐因之梁復曰長垣來屬後唐又曰匡城皇朝復為長垣

有漢水刁河漢長羅縣故城在東北古蒲邑在此子路  
為之宰

畿東明縣本漢東昏縣屬陳留郡王恭改曰東明東漢  
復曰東昏後省為東明鎮皇朝建隆四年升為縣濟陽  
鎮本濟陽縣二漢屬陳留郡南頓君為令生光武于縣  
舍晉屬陳留郡元魏屬陽夏郡隋屬濟陰郡唐正觀元  
年省入宛句皇朝建隆四年來屬

畿扶溝縣縣有扶亭又有洧水溝故以為名漢屬淮陽



國東漢屬陳留郡晉省元魏復置東魏屬許昌郡隋屬  
潁川郡唐屬許州梁開平元年來屬漢新汲縣故城在  
西本鄭之曲洧左傳諸侯伐鄭自祁童至于曲洧是也  
畿鄆陵縣本鄭地春秋鄭伯克段于鄆即此戰國謂之  
安陵二漢屬潁川郡晉元魏因之東魏屬許昌郡北齊  
省隋開皇七年復置屬許州十六年置許州大業初州  
縣廢屬潁川郡唐屬許州梁開平元年來屬後唐同光  
初還之晉天福中復來屬有祁耶山洧水白亭

畿咸平縣漢為陳留扶溝二縣地後為通許鎮皇朝咸平五年外為咸平縣有牛首城春秋諸侯伐鄭師于牛首有裒亭

西京河南府周武王克商定鼎于郊鄆成王卜澗水東澗水西而作洛邑謂之王城今皇城是也又卜澗水東而作下都以遷商頑民謂之成周今洛陽故城是也平王避犬戎之難乃自豐東遷而居王城至敬王與子朝爭立子朝據王城于是晉魏舒合都侯之大夫城成周

以居敬王至考王封弟桓公于河南以續周公之官職  
其後遂為西周即王城也桓公之孫惠公又封少子于  
鞏號為東周王赧時東西周分治王赧徙居西周秦滅  
二周置三川郡謂伊洛河也秦亡項羽立瑕丘申陽為  
河南王漢高帝取之置河南郡亦屬弘農潁川帝始欲  
都此感奉春君之言而止光武中興都雒邑置河南尹  
兼置司隸魏晉因之兼置司州後為劉聰所陷東晉末  
潁川劉裕再克河洛建置郡府終不能有後魏孝文乃

代徙

闕

置河南尹並司州東魏置洛州北齊後

周及隋皆因之大業初年作新都改曰豫州三年復為河南郡唐平王世充置洛州顯慶二年升為東都開元元年改為河南府天寶元年曰東京梁唐晉漢周常以為都梁開平元年改為西京後唐為洛京晉為西京漢周及皇朝皆因之今縣十五

赤河南縣古邾鄆地周武王遷鼎成王卜宅是為王城平王東遷居之後為西周君所封二漢為河南縣魏晉

以來因之隋自洛陽故城移都城於此郡遂徙焉唐因之有關塞山俗曰龍門有伊洛澗瀍四川漢穀城縣在西北北齊常山王演築以拒周師又築孝水戍在縣西北

赤洛陽縣本周下都商頑民所遷是為成周城中有狄泉敬王避子朝之難居之秦晉三川郡兼封文信侯呂不韋楚封瑕丘申陽為河南郡東漢魏晉元魏皆魏晉元魏皆為帝都東魏置洛陽郡隋開皇初郡廢大業初

移都城于河南縣而洛陽縣亦徙在都城中其故城遂  
空皇朝熙寧八年省入河南元祐二年復置魚豢曰漢  
火德火忌水故光武去水而加佳魏土德土水之母也  
故除佳而加水有北邙山魏明欲平之令登臺見孟津  
卒毗諫乃止東魏高歡破宇文泰軍唐史思明敗李光  
弼軍皆在此有金墉城在故城西北角魏明帝所築有  
漢平陰縣故城在縣北五十里魏文帝改為河陰後魏  
爾朱榮舉兵入洛朝士三千人遇禍于此

赤永安縣本鞏緱氏登封三縣地近世為永安鎮屬鞏  
皇朝景德四年升為縣有少室山鳳臺山轅轅山青龍  
河

畿偃師縣帝嚳所都亦古亳邑也商有三亳成湯居西  
亳此即也至盤庚又自河北徙治于此亳商家從此而  
改國號曰殷周武王伐紂而還欲示休戎之意名為偃  
師二漢屬河南郡晉以來省隋開皇十六年復置屬河  
南郡自晉之有尸鄉田橫自剋處緱氏鎮古滑國

原闕

為緄氏縣屬河郡自晉至唐因之皇朝熙寧八年省

原開

偃師有緄山王子晉控鶴上升之所有黃河曲洛

畿鞏縣春秋時鞏國戰國時東周居此二漢屬河南郡

晉元魏因之東魏屬成臯郡北齊省隋開皇十六年復

置屬河南郡唐因之有洛口倉為李密所據

原開

漢平縣

故城在西北俗謂之小平其北有小平津

畿登封縣漢武帝登中岳少室漢書在山下聞有言萬

歲云于是以三百戶奉祠命曰崇高邑屬潁川郡東漢



省入陽城東魏分潁陽置堙陽縣隋開皇六年改曰武林十八年曰輪氏大業初曰嵩陽屬河南郡唐萬歲登封元年更名登封屬河南有嵩高山禹貢所謂外方山有陽城山禹避舜之子于此二漢為陽城縣屬潁川郡元魏置陽城郡隋唐皆屬河南萬歲登封元年更名告成天祐二年改為陽邑後省有箕山昔堯將遜位許由恥之逃隱于此立許由冢有測景臺昔周公以土圭測日景求地中以陽城為地中焉漢綸氏縣故城在西南

畿潁陽縣二漢為輪氏縣地晉省之後魏改曰臨武後  
周省之唐載初元年析河南伊闕嵩陽復置臨武縣屬  
河南府開元五年五月更名潁陽皇朝熙寧八年省入登  
封元祐二年復置有箕山潁水

畿新安縣昔項羽坑秦降卒二十萬于此二漢屬弘農  
郡晉屬河南郡東魏置新安郡後周置東垣縣隋仁壽  
四年省新安入東垣大業初更名新安屬河南郡唐因  
之有漢函谷關武帝元鼎三年楊僕以有功恥為關外

人乃上書乞移關于新安以家財給其費後周武帝保定中改關城為通洛防以備齊寇有缺門山金谷水

畿澠池縣有古東西俱利二城秦昭王與趙惠文王相

會澠池藺相如劫秦王令為趙兵鼓在處蓋云秦趙

原闕

利也漢晉屬弘農郡元魏置澠池郡後周及隨屬河南郡唐因之有天壇山廣陽山澠池水

畿永寧縣本漢宜陽澠池屬弘農部後因置熊耳縣隋耳縣隋因之屬河南郡義寧二年更名永寧西北有二

嶺山連入峽石界其南陵夏后皋之墓其北陵文王之  
所避風雨春秋晉襄公敗秦師于殽又有回溪馮異處  
俗名曰坑長四里濶二丈深二丈五尺自漢以前道皆  
由此建安中曹公西征巴漢惡南路之險更開北道自  
後行旅率多從之有熊耳山劉盆子積田之所有嶠嶢  
山後周置黃櫨同軌永昌三城以備齊

畿長水縣本漢盧氏縣地屬弘農郡後魏置南陝縣  
屬全門郡西魏改為長淵隋義寧元年改為長水唐顯

慶二年來屬土刻在西北二十五里蓋古關之塞垣後周以為鎮防有松陽山洛水

畿壽安縣本漢宜陽河南縣地後魏置甘棠縣隋仁壽四年更名壽安屬河南郡唐因之高齊置孔城防以備周在縣東南有銅屏山鹿蹄山

畿福昌縣本宜陽縣秦武王欲通三引以窺周室乃使甘茂約魏以攻韓遂拔宜陽二漢晉屬弘農郡元魏置宜陽郡東魏置陽州後周改曰熊州隋開皇初郡廢大

業初州廢以宜陽屬河南郡唐武德二年改曰福昌因隋宮為名故韓城在縣東劉盆子降光武處縣城東北三面峭絕天險後周屯重兵于此以備高齊東魏又置荆門郡後周省入有女几山

畿伊陽縣本漢陸渾縣地唐先天元年析置伊陽屬河南府陸渾戎名初在秦晉之西北後秦晉遷之於伊川因以名縣漢屬弘農郡晉屬河南郡東魏置伊川郡又有北荊州後周改曰和州隋開皇初郡廢改和州曰伊川大

業初州廢以陸渾屬河南郡後省入伊陽後周置兵于  
伊陽備齊有三塗山春秋晉伐陸渾請有事于三塗即  
此伊闕鎮本戎蠻三國漢惠帝置新城縣屬河南郡東  
漢晉因之東魏置新城郡隋開皇初都廢屬河南郡十  
八年改縣曰伊闕北有依闕故關昔大禹疏鑿以通水  
兩山相對望之若闕伊水歷其間北流謂之伊闕云皇  
朝熙寧五年省入伊陽

畿河清縣南臨黃河左傳云晉陰郡此唐咸亨四年析

河南洛陽新安王屋濟源河陽六縣置大基縣屬河南府先天元年改名河清有栢崖故城在縣西東魏將侯景所築有青要山瀟瀟水

南京應天府高辛氏子關伯所居商丘也周武王封微子啟是為宋國戰國時齊楚魏滅之三分其地秦置碭郡漢為梁國東漢晉因之元魏為梁郡後周置梁州隋開皇初廢十六年置宋州大業初州廢又為梁郡唐復為宋州天寶元年曰睢陽郡梁號為宣武軍節度後唐



改歸德軍皇朝景德四年升應天府大中祥符七年升  
南京今縣四

赤宋城縣古商丘也關伯微子漢梁孝王皆都之漢曰  
睢陽縣後漢晉元魏因之隋開皇十八年改曰宋城唐  
屬宋州張巡許遠死節于此有梁孝王兔園平臺雁鷺  
池春秋時隕石五見在蓼堤即梁孝王開道也

畿穀熟縣商之南亳成湯所都也後漢置穀熟縣屬梁  
國晉因之後魏廢焉隋開皇十六年復置屬梁郡唐屬

宋州

畿下邑縣漢屬梁國晉因之北齊廢巴吾縣入焉隋屬梁郡唐屬宋州

畿虞城縣夏封舜後于此少康避有過之難奔有虞即此有綸城即少康邑漢置虞縣屬梁國晉因之元魏曰蕭縣北齊廢隋文帝開皇十六年置虞地縣屬梁郡唐屬宋州有禹貢孟諸數

北京大名府春秋時屬晉衛戰國時屬衛二漢屬魏郡

東郡清和魏文帝分置陽平郡晉因之宋文帝東陽平  
郡元魏因之後周大象二年置魏州隋大業初置武陽  
郡唐武德四年平竇建德改置魏州龍朔二年更名冀  
州咸亨三年復曰魏州天寶元年曰魏郡自代宗後為  
田承嗣史憲誠何進滔羅洪信所據曰大名府置天雄  
軍二代皆因之後唐建鄴都晉漢因之至周罷大名府  
後唐曰興唐晉漢周復曰大名皇朝慶歷二年升為北  
京今縣十一

赤元城縣魏武侯公子元食邑于此因以名縣二漢屬魏郡魏置陽平郡晉元魏因之東魏屬魏郡後周置魏州隋置武陽郡唐為魏州五代漢以來為大名府有沙麓春秋時沙麓崩即此有馬陵魏龐涓為齊孫臏所破于此大名鎮漢館陶縣地東魏分館陶西界置貴鄉縣後周隋唐因之後唐更名廣晉漢乾祐初改為大名皇朝熙寧六年省入元城按左傳獻公賜畢萬魏卜偃曰萬盈數也魏大名也其地于今為河中之永樂非元城

之魏也漢以大名名此失矣

畿莘縣本漢陽平縣屬東郡魏晉元魏屬陽平郡北齊改曰樂平隋開皇六年復曰陽平八年改曰清邑十六年置莘州大業初州廢改清邑為莘縣屬武陽郡唐屬魏州春秋衛宣公使盜殺公子伋于莘即此漢東武陽縣故城在南

畿內黃縣漢魏元魏屬魏郡東魏併入臨漳開皇十六年復置屬汲郡唐屬相州天祐三年來屬漢繁陽縣故

城在縣西北

畿成安縣本斥丘縣地漢晉元魏屬魏郡東魏併入臨漳故城在縣西北北齊置成安縣隋屬魏郡唐屬相州天祐二年更名斥丘來屬後唐復為成安洹水縣晉長樂縣地後周分臨漳縣東北界置洹水縣隋屬魏郡唐屬相州天祐三年來屬皇朝熙寧六年省入成安蘇秦令六國之將相會盟于此水上即此

畿魏縣戰國為魏武侯別都漢晉元魏屬魏郡北齊廢

之隋開皇六年復置屬武陽郡唐屬魏州

畿館陶縣漢屬魏郡魏晉元魏屬陽平郡後置毛州隋煬帝大業初州廢以館陶屬武陽郡唐屬魏州漢書溝洫志河北決于館陶分為屯氏河而後世誤以為毛氏河乃置毛州失之甚矣

畿臨清縣後漢廣宗縣水經注言趙立建興郡于廣宗故城內置臨清縣後魏因之北齊廢焉隋開皇六年復置屬清河郡唐屬貝州後來屬永濟鎮唐大歷七年田

承嗣析臨清置永濟縣屬貝州天祐三年來屬皇朝熙  
寧六年省

畿宗城縣後漢廣宗縣屬鉅鹿郡晉屬安平國隋仁壽  
元年改曰宗城屬清河郡唐屬貝州天祐三年來屬經  
城鎮本後漢經縣屬安平國晉因之北齊廣焉隋開皇  
六年復置經城縣屬清河郡唐屬貝州皇朝熙寧六年  
省入宗城

畿夏津縣本二漢鄆縣屬清河郡晉因之其後廢焉隋



開皇十六年復置唐屬貝州天寶九年更名夏津後來屬

畿清平縣本漢清陽縣屬清河郡後漢省焉隋開皇六年置貝丘縣十六年改曰清平唐屬博州後來屬

畿冠氏縣春秋晉邑左傳齊為衛故伐晉冠氏是也隋

開皇六年分館陶東界置屬武陽郡唐屬魏州清水鎮

本漢清淵縣屬魏郡晉陽平郡隋屬清河郡唐避高祖諱改為清泉縣後為清水正觀元年省入冠氏

輿地廣記卷五